

# NĀ HĪPU'U

## Ka Hīpu'u Ewalu (Figure Eight)

### Pehea e ho'ohana 'ia ai?

He hīpu'u kūpono kēia no ka piko o ke kaula, i mea e hemo 'ole ai ke kaula mai ka hoa wa'a a i 'ole ka pokaka'a paha.

### Pehea e nāki'i ai?

1. Hana i kīpuka me ka piko o ke kaula, a e wili a puni o ka 'āpana e waiho nei.



2. E ho'okomo i ka piko ma loko o ke kīpuka.




## Ka Hīpu'u Pahu (Square Knot)

### Pehea e ho'ohana 'ia ai?


He hīpu'u kūpono kēia ma luna o ka wa'a a i 'ole ka moku holo kai no ka lī 'ana i nā pe'a. Ho'ohana 'ia nō ho'i kēia hīpu'u no ka nāki'i 'ana i ka wahī 'eha. He hīpu'u maika'i kēia no ka ho'opa'a 'ana i 'elua kaula like o ka mānoanoa kekahi i kekahi.

### Pehea e nāki'i ai?

1. E lawe i ka piko o ke kaula hema a hilo ho'okahi manawa me ka piko o ke kaula 'ākau.



2. E huki i nā piko o nā kaula 'elua i luna. E hilo hou i nā piko o nā kaula 'elua e like me ka hana 1 ma luna.



3. E ho'ihohi i nā piko o nā kaula i kahi o ke koena o ke kaula, e huki a pa'a.



## Ka Hīpu'u Hoapa'a (Clove Hitch)

### Pehea e ho'ohana 'ia ai?


He hīpu'u i ho'ohana ma'amau 'ia kēia ke pono ka hīpu'u ma'alahi e pa'a koke ai ke kaula a puni kekahi pou, ke o a i 'ole hepahu.

### Pehea e nāki'i ai?

1. E wili i ke kaula a puni ka mea e ho'opa'a 'ia, a e ho'omoe i ke kaula ma luna o ka piko.



2. E wili hou i ke kaula a puni ka mea e ho'opa'a 'ia. E huki a'e i ka piko o ke kaula ma lalo mai o ke kaula ma kahi o ka wili 'ia 'ana, i moe ke kaula ma waena o kekahi māhele o ke kaula me ka mea e ho'opa'a 'ia nei. E huki i nā piko o ke kaula a mālo'elo'e.



## Ka Hīpu'u Pōlena/Kapolina (Bowline)

### Pehea e ho'ohana 'ia ai?

'A'ole e hihia, 'a'ole e hemo kēia hīpu'u ke hīki'i pololei 'ia. He hiki nō ke hīki'i a pa'a a puni ke kīkala o ke kanaka no ka huki 'ana iā ia i luna no ka mea 'a'ole e emi ka nui o ke kīpuka o kēia hīpu'u ke huki 'ia.

### Pehea e nāki'i ai?

1. E hana i kīpuka me ka piko o ke kaula e huli ana iā 'oe. E ho'okomo i ka piko o ke kaula i loko o ke kīpuka.

2. E ka'ika'i i ka piko a puni ka māhele kaula e waiho nei a e ho'okomo hou i ka piko i loko o ke kīpuka. E huki nō a mālo'elo'e.

